

公羊墨史

公羊墨史序

墨者何墨守也何邵公志也何以史  
史者公羊所短也左氏史學公羊  
經學據所短也而紀三科九旨七  
等辨說義法畔乎史也公羊之  
經長有不盡長者也公羊之史

短有不盡短者也故曰史也子聖  
而僭執理而迂尚黑而鑿逞臆  
而誣揚美而溢實摘瑕而傷鏤  
以羊不免也方說春秋之失不  
失在淺而失在深者忘乎其  
為史也史可信然後經可說也

以羊之義如孔父正色立朝宗  
之義傳位失正仇牧不畏彊禦史  
之粹者也桎之翼也如祭仲廢  
立行權季姬遇防請己叔術  
妻嫂稱賢史之駁者也經之示  
也義不傳事詳於經而義未必

當故曰以羊短於吏蓋救短之  
難也然則墨吏有合者乎曰有  
祭什為兆亦不終也陽處父為  
晉殺不密也潞子為善而躬亡  
不善也紀叔姬歸鄆為葬於  
邾不失節也宋襄非文王戰也

沙隨執大夫非以幼不耻也以其屈  
完賤得臣褻受盟貶自敗也凡  
此者皆合也救也他或約而擇之  
苟而通之恢而奇之旋而幹之出  
入利鈍六說史之常也至若張三  
世存三統錯綜條例抉剔異同鈎

索詳密有所未逮然亦淺之失而  
死失莊深也無害乎其為史也  
胡母師法亂於莊顏玉杯繁露  
陳奧難繼景伯緣隙高密操  
戈公羊家言久焉鄉音絕苟有  
作者曷可廢也且邵公志也作

之者誰明桐鄉明經周拱辰也  
傳之者誰其七世孫廣文桂也  
道光乙巳吳縣吳鍾駿序



公羊墨史序

舍三傳以言春秋後儒之失也春秋  
天子之事也以孔子之聖不得用於定  
哀之世退而託史文以垂法百王蓋其  
筆削之旨微矣而幸傳於子夏之門公  
羊穀梁是也二家之說同者十七八即  
先師所授間有違異各尊所聞六皆

有大義存焉非是則無以知春秋而  
唐宋以來傳注多不屑師承前人求  
其義例徒掇拾左氏事蹟臆決是非  
而曰經意當爾筆墨馳騁好辨而已  
故其詞愈煩而義愈晦嗟乎自周室  
既衰王者之迹熄春秋作而亂賊始沮  
其後諸侯爭富強蔑道德訖秦而六

藝之文燦焉漢興七十餘載乃立學  
校之官罷百家推明孔氏實自廣川  
董子始建明之董子治公羊者也言  
於武帝曰春秋謂一為元者視大始  
而欲正本也故為人君者正心以正朝  
廷正朝廷以正百官正百官以正萬  
民正萬民以正四方四方正遠近莫敢不

壹於正而止有邪氣奸其間者孔子  
謂魯大夫曰政者正也子帥以正孰敢  
不正孟子曰一正君而國定矣董子之  
言猶孔孟也今讀孟侯周先生之書  
於成公會吳於鍾離申傳言自近者  
始之意謂必魯自治而後可以治天下  
故始之有貴其始也先生之言猶董子

也宣公初稅畝冬螽生傳曰幸之也幸  
之者何猶曰受之云爾先生申之曰幸  
之者非幸其不為災也若曰微此王  
心其不悟乎山崩兔舞以示天警而  
夏商卒止桀紂之心不受也斯義也  
又同於董子之言災異者天心之仁  
愛人君而欲止其亂也而且推原至

隱以時君之心受不受為治亂之本  
至哉言乎是其明於天人相與之際  
將上下勤恤用保人民自貽哲命撥  
亂世反之正夫孰有先於此乎先生  
生丁明季高才不仕鼎革後遯迹  
邛園抱遺經以終老以視董生遇  
益窮矣其治公羊不為句解字析有

特見大義則書之文體簡古一同乎  
傳凡一百四十事為上下二卷名曰  
墨史殆取繩墨誠陳不可欺以曲直  
也觀其察時勢而為進退本人情以  
定褒貶義正而言厲真若有繩墨之  
陳也者間釋文義如傳言澠移以為  
澠水灌邾田澠隨田而移也於解詁言

隨水而移者更推明一義百金之魚公  
張之不用固畧舊說而以張為射則  
與臧僖伯之言合他類此甚衆近時  
治公羊者孔氏通義劉氏條例盛行  
於世惜皆未及見先生書而參證之  
蓋藏棄二百年先生七世孫歸安學博  
桂治為刊行學博之猶子士烱士炳郵



書大梁乞為序儀吉受而讀之不啻  
如韓子遺殷侍御書所謂鄙心軍急  
者願與同學之士好之樂之聖經賢  
傳張而明之有日矣乃若曹羈三諫  
其君不聽而去傳以為賢先生責其  
不能格君臨敵而去之雖曰見幾不  
恕乎哉齊人降鄆傳謂為桓公諱

先生曰紀止二十八年矣所謂頑民  
之義桓恚取之魯不能救書曰齊人  
惡其盡也夫子欲存鄭以存紀也其  
說皆與傳相違此其故國遺民之言  
也蓋雖義殊於公羊而道合於春秋  
嗚呼是又可以見先生之志也夫  
道光丙午仲冬里後學錢儀吉謹序

公羊墨史目錄

古樵李周拱辰孟侯著

男

宋蝶菴手纂

孫男

元釜銘五

校正

雲杼緗雲

卷上

隱公

元年春王正月

夏五月鄭伯克段于鄢

三年秋武氏子來求賻

冬癸未葬宋穆公

四年秋翬帥師會宋公陳侯蔡人衛人伐鄭

五年春公觀魚于棠

九月考仲子之宮

初獻六羽

六年春鄭人來輸平

七年夏城中丘

桓公

二年春王正月戊申宋督弑其君與夷及其大夫孔父

夏四月取郕大鼎于宋

三年秋七月壬辰朔日有食之既

五年春正月甲戌己丑陳侯鮑卒

六年秋八月壬午大閱

七年春二月己亥焚咸丘

八年春正月己卯烝

十有一年九月宋人執鄭祭仲

十有四年夏五

秋八月壬申御廩災

十有八年春王正月公會齊侯于濰公夫人姜氏遂如  
齊

莊公

元年三月夫人孫于齊

冬王使榮叔來錫桓公命

齊師遷紀邾鄆郛

三年秋紀季以鄆入于齊

四年夏紀侯大去其國

六月己丑齊侯葬紀伯姬

冬公及齊人狩于郛

八年夏師及齊師圍成成降于齊師

九年夏公伐齊納糾

八月庚申及齊師戰于乾時我師敗績

九月齊人取子糾殺之

十有二年春王三月紀叔姬歸于鄆

秋八月甲午宋萬弑其君接及其大夫仇牧

十有三年冬公會齊侯盟于柯

十有七年春齊人執鄭瞻

夏齊人濊于遂

十有八年秋有暵

二十年夏齊大災

二十有四年秋公至自齊八月丁丑夫人姜氏入

冬戎侵曹曹羈出奔陳

二十有七年秋公子友如陳葬原仲

二十有八年臧孫辰告糴于齊

二十有九年春新延廡

三十年秋七月齊人降鄆

冬齊人伐山戎

閔公

元年冬齊仲孫來

二年夏五月乙酉吉禘于莊公

秋八月辛丑公薨

僖公



元年秋七月戊辰夫人姜氏薨于夷齊人以歸

十有二月丁巳夫八氏之喪至自齊

二年夏五月辛巳葬我小君哀姜

虞師晉師滅夏陽

四年春王正月公會齊侯宋公陳侯衛侯鄭伯許男曹伯侵蔡蔡潰遂伐楚次于陘夏楚屈完來盟于師盟于召陵

齊人執陳袁濤塗

七年夏鄭殺其大夫申侯

八年春王正月公會王人齊侯宋公衛侯許男曹伯陳

世子款鄭世子華盟于洮鄭伯乞盟

九年九月戊辰諸侯盟于葵丘

十年春晉里克弑其君卓子及其大夫荀息

夏晉殺其大夫里克

十有四年夏六月季姬及鄆子遇于防使鄆子來朝

秋八月辛卯沙鹿崩

十有五年九月己卯晦震夷伯之廟

十有一月壬戌晉侯及秦伯戰于韓獲晉侯

十有六年春王正月戊申朔賁石于宋五是月六鷁退

飛過宋都

十有八年五月戊寅宋師及齊師戰于鄆齊師敗績  
十有九年夏六月己酉邾婁人執郕子用之

二十年五月乙巳西宮災

二十有一年冬楚人使宜申來獻捷

二十有二年冬十有一月己巳朔宋公及楚人戰于泓  
宋師敗績

二十有三年春齊侯伐宋圍緡

二十有八年春晉侯侵曹晉侯伐衛

夏四月己巳晉侯齊師宋師秦師及楚人戰于城濮楚  
師敗績

冬晉人執衛侯歸之于京師

三十有一年春取濟西田

夏四月卜郊不從乃免牲猶三望

冬杞伯姬來求婦

三十有三年夏四月辛巳晉人及姜戎敗秦于殽

卷下

文公

二年二月丁丑作僖公主

冬公子遂如齊納幣

五年春王正月王使榮叔歸含且賵

六年冬晉殺其大夫陽處父晉狐射姑出奔狄

八年冬公孫敖如京師不至復丙戌奔莒

九年冬楚子使椒來聘

秦人來歸僖公成風之襚

十有二年秋秦伯使遂來聘

冬十有二月戊午晉人秦人戰于河曲

十有四年冬單伯如齊齊人執單伯齊人執子叔姬

十有五年夏齊人歸公孫敖之喪

### 宣公

元年夏晉放其大夫胥甲父于衛

六年春晉趙盾衛孫免侵陳

十有一年冬十月楚人殺陳夏徵舒丁亥楚子入陳納  
公孫甯儀行父于陳

十有二年春楚子圍鄭夏六月乙卯荀林父帥師及楚  
子戰于邲晉師敗績

十有五年夏五月宋人及楚人平

六月癸卯晉師滅赤狄潞氏以潞子嬰兒歸

冬螽生

十有八年冬歸父還自晉至櫟遂奔齊

成公

二年秋七月齊侯使國佐如師己酉及國佐盟于袁婁  
八年春晉侯使韓穿來言汶陽之田歸之于齊

十有二年春周公出奔晉

十有五年冬十有一月叔孫僑如會晉士燮齊高無咎

宋華元衛孫林父鄭公子魋邾婁人會吳于鍾離

十有六年六月甲午晦晉侯及楚子鄭伯戰于鄢陵楚

子鄭師敗績

秋公會晉侯齊侯衛侯宋華元邾婁人于沙隨不見公

公至自會

曹伯歸自京師

九月晉人執季孫行父舍之于招丘

十有七年十有一月公至自伐鄭壬申公孫嬰齊卒于  
狸軫

襄公

元年春仲孫蔑會晉欒黶朱華元衛甯殖曹人莒人邾  
婁人滕人薛人圍朱彭城

二年冬仲孫蔑會晉荀偃齊崔杼宋華元衛孫林父曹  
人邾婁人滕人薛人小邾婁人于戚遂城虎牢

三年六月戊寅叔孫豹及諸侯之夫夫及陳袁僑盟  
五年夏叔孫豹鄆世子巫如晉



九年春宋火

十有一年春王正月作三軍

十有二年春王正月莒人伐我東鄙圍台季孫宿帥師  
救台遂入運

十有九年春取邾婁田自漵水

二十有五年十有二月庚子謁伐楚門于巢卒

二十有七年夏衛殺其大夫甯喜衛侯之弟鱣出奔晉

二十有九年春王正月公在楚

夏庚子使札來聘

三十年秋七月叔弓如宋葬宋共姬

冬晉人齊人宋人衛人鄭人曹人莒人邾婁人滕人薛人杞人小邾婁人會于澶淵宋災故

昭公

元年春叔孫豹會晉趙武楚公子圍齊國弱宋向戌衛石惡陳公子招蔡公孫歸生鄭軒虎許人曹人于渚夏秦伯之弟鍼出奔晉

四年秋七月楚子蔡侯陳侯許男頓子胡子沈子淮夷伐吳執齊慶封殺之

九年四月陳火

十有八年夏五月壬午宋衛陳鄭災

十有九年冬葬許悼公

二十有一年夏宋華亥向甯華定自陳入于宋南里以  
畔

二十有三年七月戊辰吳敗頓胡沈蔡陳許之師于雞  
父胡子髡沈子楹滅獲陳夏齧

二十有五年秋齊侯唁公于野井

定公

元年春王

三月晉人執宋仲幾于京師

四年冬十有一月庚午蔡侯以吳子及楚人戰于伯莒

楚師敗績

八年冬盜竊寶玉大弓

十有三年冬晉趙鞅歸于晉

哀公

三年春齊國夏衛石曼姑帥師圍戚

四年夏晉人執戎曼子赤歸于楚

六年秋齊陽生入于齊齊陳乞弑其君舍

七年秋公伐邾婁八月己酉入邾婁以邾婁子益來

八年春王正月宋公入曹以曹伯陽歸

十有三年夏公會晉侯及吳子于黃池

余七世祖孟侯公著作甚富有莊子影史離騷草木史聖雨齋詩文集久已刊刻爲世所推許外有公羊墨史二卷乃公晚年所著也今課餘之暇輒開卷尋繹雖未能得其要妙而議論之精詳文詞之古雅自有不可磨滅者在因付梓人以質世之治公羊者道光二十有三年癸卯秋八月七世孫桂謹跋于歸安學舍



傳。元年者何。君之始年也。公何以不言卽位。成公意也。公將平國而反之桓。桓幼而貴。隱長而卑。其爲尊卑也微。國人莫知。隱長又賢。諸大夫拔隱而立之。隱于是焉而辭立。則未知桓之將必得立也。且如桓立。則恐諸大夫之不能相幼君也。故凡隱之立爲桓立也。隱長又賢。何以不宜立。立嫡以長不以賢。立子以貴不以長。桓何以貴。母貴也。子以母貴。母以子貴。

隱之立爲桓立也。先君之意乎。諸大夫之意乎。抑隱自已之意乎。謂先君之意也者。其初意爾。借隱之立以爲

不書卽位  
春秋之旨  
皆明諸傳  
皆被他瞞  
過千年長  
夜于今始  
旦矣

桓地則非先君意也。謂諸大夫之意也者。國人莫知矣。  
長且賢矣。宜君而君之。念不及此也。謂隱自己之意也。  
者。諸大夫扳而立之。不能主也。隱亦安容探先君之邪。  
志。強諸大夫也者。而立之。且也。立子以貴。不以長。隱之。  
欲讓也。則有辭矣。豈更有羣公子焉。駕桓上者乎。其曰。  
恐諸大夫之不能相幼君也。夫固曰。子以母貴矣。何幼。  
君之有。故隱卽欲讓讓之初。可耳。其曰。國人莫知。何不。  
明告諸大夫。與國人而蚤白引也。且曰。莫知吾君之子。  
也。而莫知乎。矯讓以市節。而卒爲孽。公子買焉也。宜也。  
傳曰。君子大居正。盡之矣。



夏五月鄭伯克段于鄆

傳。克之者何。殺之也。殺之則曷爲謂之克。大鄭  
伯之惡也。母欲立之。己殺之。如勿與而已矣。  
語曰。弟不中道。則兄事之。君子之兄事弟也。養其敬也。  
鄭伯之兄事弟也。養其罪也。優游寬假。以聽其自斃而  
徐起。收之。伯之圖段也。忍矣。忍于弟。猶可言也。忍于母  
不可言也。故曰大鄭伯之惡也。

三年秋武氏子來求賻

傳。武氏子者何。天子之大夫也。其稱武氏子何。  
譏何。譏爾父卒。子未命也。何以不稱使。當喪未君。

誅鄭伯之心故曰克

也。武氏子來求賻。何以書。譏何。譏爾喪事無求。求賻非禮也。

禮曰。君子不家于喪。請班諸兄弟之貧者。況王畿之出。猶足備禮乎。天王以令下者也。而曰求不可聞于天下矣。且求賻而命新喪之子。又奪喪也。兩譏之。

### 冬癸未葬宋穆公

傳。葬者曷爲或日。或不日。當時而日。危不得葬也。何危爾。宣公謂穆公曰。以吾愛與夷。則不若愛女。以爲社稷宗廟主。則與夷不若女。盡終爲君矣。宣公死。穆公立。逐其二子。莊公馮與左師勃曰。爾

聖人不遠  
乎人情  
誠為禍之  
本也

為吾子。生毋相見。死毋相哭。終致國乎與夷。莊公  
馮弑與夷。故君子大居正。宋之禍。宣公為之也。  
父子兄弟。天性一爾。宣之授弟。篤親親矣。繆公即不欲。  
負兄。何至逐其子而恨恨乎。訣語也。無乃實矯焉而故。  
以其子忍乎。忍生怨。怨生乖。乖生無常。其曰君子大居  
正。宋之禍。宣公為之也。余曰。君子大居正。與夷之禍。繆  
公為之也。

四年秋。翬帥師會宋公。陳侯。蔡人。衛人。伐鄭。  
傳。翬者何。公子翬也。何以不稱公子。貶曷為貶。  
與弑公也。于鍾巫之祭焉。弑隱公也。

隱可謂君  
乃成拙

題眼在一  
觀字連非  
所重

于鍾巫之祭焉弑隱公。或曰以起淫祀之無福也。始何  
以賂尹氏焉而得免。終何以館爲氏焉而得免。非猶  
是鍾巫者乎。愚謂隱公之禍胎于以妾禮葬子氏而發  
于羽父之求太宰于鍾巫之祭焉無與也。

五年春公觀魚于棠

傳。何以書。譏何譏。爾遠也。百金之魚。公張之。

左言矢魚。此曰觀魚。以矢之者爲觀也。禮季冬命漁師  
始漁。天子親往射魚。又曰非以爲祭也。則君不射。公張  
之者何。張之所以觀之也。百金之魚而君射之乎。非以  
爲禮也。以爲觀也。故曰公觀魚于棠。以刺公也。其曰遠

而不可遠而不可如近而可乎。

九月考仲子之宮

傳。考宮者何。考猶入室也。始祭仲子也。桓未君。則曷爲祭仲子。隱爲桓立。故爲桓祭其母也。

仲子者何。桓母也。或曰非桓母也。惠公之母也。然據隱公葬子氏以妾禮。則享桓母以夫人。固應耳。子儼然主鬯而取他人之母祭之。祝史何以致詞。祭者何薦其敬也。薦其美也。非味享也。己之母以逆餒而他人之母以諂飽仲而有知來食乎。

初獻六羽

聖之偽情  
無解避處

和僭始厲  
說本穀梁

和語若冰

傳。初獻六羽。何以書。譏何譏爾。譏始僭諸公也。  
僭諸公。猶可言也。僭天子。不可言也。  
僭諸公。猶可言。僭天子。不可言。卽始僭樂始厲樂之說。  
寬之也。寬之者。何以甚。成父之惡也。

六年春鄭人來輪平

傳。輪平。猶墮成也。何言乎墮成。敗其成也。吾與  
鄭人。末有成也。狐壤之戰。隱公獲焉。然則何以不  
言戰。諱獲也。

狐壤之獲。隱辱國矣。辱國宜死。隱何以不死。苟能死也。  
有桓在焉。抑尙幼也。而忍死以待乎。其後受鄭邢盟包。

來○一○月○而○載○取○郛○防○種○種○不○肖○。○可○在○其○頸○矣○。○稱○鄭○人○以○  
人○魯○也○魯○甚○焉○爾○。

七年夏城中丘

傳○中丘者何○內之邑也○城中丘何以書○以重書也○

其情微妙  
以公羊子  
神似

脩中丘而曰城中丘○城也者○無異乎城之也○龍見火見○  
有○常○役○矣○其○曰○夏○城○中○丘○城○中○丘○也○而○于○夏○乎○愛○百○姓○  
乎○中○丘○也○故○曰○以○重○書○也○九○年○夏○城○郎○亦○如○之○

桓公

二年春王正月戊申○宋督弑其君與夷及其大夫孔

父

色見乎外  
義根乎內  
以色治人  
實以義治  
宋也雖然  
以色化民

傳○及者何○累也○何以書○賢也○孔父可謂義形于  
色矣○其義形于色奈何○督將弑殤公○孔父生而存○  
則殤公不可得而弑也○故于是先攻孔父之家○殤  
公知孔父死○已必死○趨而救之○皆死焉○孔父正色  
而立于朝○則人莫敢過而致難于其君者○孔父可  
謂義形于色矣○  
聲○色○辭○氣○者○君○子○之○與○也○氣○欲○以○取○之○治○其○氣○以○治○人  
也○莊○以○莊○之○治○其○色○以○治○人○也○語○曰○夫○執○介○冑○而○能○拒  
敵○者○非○聖○人○之○所○貴○也○君○子○顯○之○服○而○勇○奮○者○消○其○志○



未也君子  
必慎于無  
色之先

公羊墨史

卷上

六

于貌也。伯玉以身藩衛子產。以言藩鄭孔父。以色藩宋。其致一爾。

夏四月取郕大鼎于宋

傳。此取之宋。其謂之郕鼎何。器從名。地從主人。器之與人。非有卽爾。宋始以不義取之。故謂之郕鼎。至于地之與人。則不然。俄而可以爲其有矣。然則爲取。可以爲其有乎。曰否。若楚王之妻媼。無時焉可也。

宋以不義取之。謂之郕鼎。魯以不義取之。將何名焉。然則爲取。可以爲其有乎。爲取。取鼎也。蓋非其有者。終不

解無時意  
十分醒透  
十分典雅

類上添毫

名有。有非真也。可以郃有之。可以宋有之。可以魯有之。  
而有無時。宋可取之。郃魯可取之。宋復可取之。魯而取。  
無時。故曰若楚王之妻媚。無時焉可也。齊桓可以妻諸。  
姑。楚何不可妻。諸妹。然而有者。終不名有也。德之昏亂。  
雖大輕也。故君子愛鼎。

三年秋七月壬辰朔日有食之既

傳。既者何盡也。

既者何盡也。盡也者。盡而不盡也。幾幾乎危之矣。

五年春正月甲戌己丑陳侯鮑卒

傳。曷爲以二日卒之。愆也。甲戌之日亡。己丑之

日死而得君子疑焉。故以二日卒之也。

兩日並書者何。或以爲再赴焉。或以爲不知死之日。而包舉之焉。此以爲鮑之狂。脩春秋者疑之焉。余謂天有再旦。日有再中。生有再生。死有再死。秦謀絳市之魂。死六日而復蘇。再生也。

六年秋八月壬午大閱

傳。大閱者何。簡車徒也。何以書。蓋以罕書也。

按時事以  
論  
非時而大閱。以脩鄭也。其脩鄭奈何。北戎之役。齊使魯餽諸侯之戍者。魯以周班後鄭。鄭太子忽以其有功也。怒魯懼。故備之也。非時而閱。當時而不閱。可知也。十年

火其野即  
火其民火  
其民即火  
其君故曰  
蠶之

而有郎之戰。鄭怒未怠也。鄭怒未怠。而魯之閔已怠矣。  
故曰以罕書幸之也。亦危之云爾。

七年春二月己亥焚咸丘

傳。焚者何。樵之也。樵之者何。以火攻也。何言乎  
以火攻。疾始以火攻也。咸丘者何。邾婁之邑也。曷  
爲不繫乎邾婁國之也。曷爲國之。君存焉爾。

火攻之說前此矣。疾始以火攻。春秋之始也。君存焉而  
國之等。焚邑之罪于焚國重之爾。或曰焚咸丘。所謂燎  
于原也。司燿氏變國火救時疾。其于季春秋出火內火。  
非乎。國失火。野焚萊。則有刑罰焉。火其野。虞衡詢之火。

其○民○國○君○問○之○火○其○君○天○子○諸○侯○弔○之○

八年春正月己卯烝

傳○烝者何○冬祭也○春曰祠○夏曰祔○秋曰嘗○冬曰烝○常事不書○此何以書○譏何譏爾○譏亟也○士不及茲四者○則冬不裘○夏不葛○

正月祠以薦韭也○四月祔以薦麥也○七月嘗○十月烝以薦黍○以薦稻也○不失其時○所以奉先祖爾○春正月己卯烝○冬祭而春用之○不亦慢乎○或曰冬祭而遲之春○曠其冬矣○或曰春自有祭而設冬祭○曠其春矣○聖人之于鬼神也○畏之而不敢欺也○欺鬼而鬼食之○鬼食其欺乎○士

寫生妙手

不及茲四者。則冬不裘。夏不葛。惟士無田。則亦不祭矣。父母既沒。必求仁者之粟。祀之。仁者之粟。非得之公田。不可能乎。不裘。不葛。痛窮士之無春秋也。

十有一年九月。宋人執鄭祭仲。

傳。祭仲者何。鄭相也。何以不名。賢也。何賢乎。祭仲以爲知權也。其爲知權奈何。莊公死。已葬。祭仲將往省于畱。塗出于宋。宋人執之。謂之曰。爲我出。忽而立突。祭仲不從其言。則君必死。國必亡。從其言。則君可以生。易死。國可以存。易亡。少遼緩之。則突可故出。而忽可故反。古人之有權者。祭仲之權。

正論不刊

忠子始而  
不忠子終  
謂其知權  
可乎

是也

權也者物乎三才之紀而不易居之名也是故君子陰  
用而不以語人其陰用而不以語人何也恐其以手握  
刃之傷也仲視突忽不如弈棋盟歆不如嬉笑身執被  
辱逐君首惡不如尋常杯酒不幾爲莽操者蒿矢乎哉  
其曰從其言則突可故出而忽可故反令雍糾之謀得  
行身死之不暇而能保有忽乎雖然仲之始爲忽謀也  
則已忠矣齊之欲妻忽以文姜也固辭仲曰必取之君  
多內寵子無大援將不立此言也行其何有于宋氏之  
錫吾故曰仲之始爲忽謀也則已忠矣

傳神在阿  
堵中

十有四年夏五

傳。夏五者何。無聞焉爾。

春秋著以傳著疑以傳疑。元年有王。以其著之者治桓也。夏五無月。以其疑之者治桓也。春秋多微辭。殆此乎。無聞焉爾。所以尊聞也。若曰。如彼聞焉者何矣。

秋八月壬申御廩災

傳。御廩者何。乘盛委之所藏也。御廩災何以書。記災也。

天火曰災。記災也者。記不警災也。書乙亥嘗。此志爾。

十有八年春王正月公會齊侯于濼。公夫人姜氏遂。



如齊

傳。公何以不言及夫人。夫人外也。夫人外者何。內辭也。其實夫人外公也。

申繻之諫。可爲婉切矣。而公不聽。公不外夫人也。而夫人實外公有人矣哉。公何以數若不知也者。而遂之。縱淫拒諫。授首彭生。君子以天爲有知矣。

莊公

元年三月夫人孫于齊

傳。內諱奔謂之孫。夫人固在齊矣。其言孫于齊何。念母也。夫人何以不稱姜氏。貶曷爲貶。與弑公。

舍終渺然

聖人隱微  
之旨和盤  
托出

也。念母者。所善也。則曷爲于其念母焉。貶不與念  
母也。

念母也。不與念母也。母可念也。妻不念夫子。子道乎絕  
矣。則迎之而悅之乎。于郤矣。于礁矣。于祝丘矣。于齊師  
矣。于防矣。于莒矣。非惟不悅也。抑又甚焉。其曰與弑公  
也。夫孰知淫以辱子之甚于與弑公也。他日而卒之而  
葬之。又胡秩秩乎。夫人也。夫固曰。吾夫人也用美焉。爾  
爲內諱也。然與。

冬王使榮叔來錫桓公命

傳。命者何。加我服也。其言桓公何。追命也。

無功而庸之。非勸也。已死而追命之。非制也。王嘉季歷之功。錫之圭瓚秬鬯。九命爲伯。君子猶或非之。况罪魁乎。或曰。以媚莊也。無故而旌其尸。以及其子孫。天朝之大典。以市乎哉。

齊師遷紀邢鄆鄆

傳。遷之者何。取之也。

得聞而入  
參一活筆  
更妙  
欲滅其國。先促其封。似矣。按十一年夏五月戊寅。公敗宋師于鄆。鄆。魯地也。未有借他國之地以遷人也。然此以遷之者爲取。亦本其仇紀者言。爾魯地也。而齊何以取之。或曰。齊取焉。後入于魯也。

自此論則  
灰口不  
得如舊  
光廢立  
延年一  
疏而漢  
廷爲之  
蕭然

三年秋紀季以鄫入于齊

傳。紀季者何。紀侯之弟也。何賢乎紀季。服罪也。

其服罪奈何。魯子曰。請後五廟以存姑姊妹。

禮曰。喪不慮居爲無廟也。況國祀乎。故紀季之存五廟。與箕子之抱祭器一也。雖然。鄫伯之鄫也。季而專之。擅也。勢方洶洶而先去。以爲民倡。是季子與伯爲難也。齊取我邦鄫鄫矣。紀地幾何。而我又以鄫往。是益紀之孤。而張齊也。且傳固曰。何賢乎紀季。服罪也。季自服爾。伯何與焉。不成乎服罪也。且盜地以危君。貪生以辱祖。不成乎服罪。以甚齊怒服罪焉。乃罪也。或曰。季之以鄫入。

也。伯實使之。春秋詭其詞。以子季所謂易其名。以有諱也。云爾然乎。

四年夏紀侯大去其國

傳。大去者何。滅也。孰滅之。齊滅之。曷爲不言齊滅之。爲襄公諱也。何賢乎襄公。復仇也。何仇爾。連祖也。哀公烹乎周。紀侯譖之。遠祖者。幾世乎。九世矣。九世猶可以復仇乎。雖百世可也。家亦可乎。曰。不可。國何以可。國君一體也。今紀無罪。此非怒與。曰。非也。古者有明天子。則紀侯必誅。至今有紀者。猶無明天子也。有明天子。則襄公得爲若行乎。曰。

不得也。不得則襄公曷爲爲之上。無天子。下無方伯。緣恩疾者可也。

水銀灌地  
無孔不入

九世猶可以復仇乎。雖百世可也。是使世人相殺無已也。故曰家亦可乎。不可以正之也。雖然。襄事禍祖之心盡矣。而非所以事周天子何也。哀公烹乎周。紀侯譖之。實天子殺之也。天子殺之。誰懟乎。且襄亦安知不心孤紀而借罪焉。以逞其貪也。魯能倡義以救焉。襄或者恐天下之不直己。而有悛心。且伯姬吾女也。而徘徊不進。夫子致憾焉。故特書曰。冬。公次于郎。若曰。紀非齊滅之。魯滅之也。然則紀侯自去其國耳。國固紀侯之國也。齊

終不得而有之也。率一國之眾以衛九世之主。逐之不去。求之勿與。上下同心以俱死。而以是畢乎世守。而以是報乎先人。國固紀侯之國也。故書曰紀侯大去其國。紀侯自去國耳。國未始去紀侯也。明乎子紀侯以國也。

六月乙丑齊侯葬紀伯姬

傳○外夫人不書葬。此何以書。隱之也。何隱爾。其國亡矣。徒葬于齊。爾復仇者。非將殺之逐之也。以爲雖遇紀侯之殯。亦將葬之也。

魯不能救紀侯。豈其能葬伯姬。然齊葬伯姬。而嗣後不見書葬紀侯。其曰雖遇紀後之殯。亦將葬之也。然乎。或

莊公知有  
母而不知  
有父違義  
默不達矣

曰伯姬之葬于齊。不如叔姬之葬于鄆。姊妹廟存焉。爾  
或曰叔姬之死于鄆。不如伯姬之死于紀。紀侯殯焉。爾  
冬公及齊人狩于郕。

傳○公曷爲與微者狩。齊侯也。齊侯則其稱人何。  
諱與讐狩也。

築王姬之館于外。以遠讐也。君子是之。此何遠與讐狩。  
也。以爲彭生除而遂可泰然也。夫彭生非能殺君也。使  
彭生者殺之也。不覩夫九世之仇。猶不忘報乎。于齊襄  
爲罪人矣。

八年夏師及齊師圍成。成降于齊師。



傳○成者何盛也。盛也。曷爲謂之成。諱滅同姓也。  
曷爲不言降吾師辟之也。

曰次于郎。曰治兵。魯意在降成也。此曰成降于齊師。何  
益乎。成固曰魯吾宗也。而忍翦吾宗。與其輸魯也。寧輸  
齊。爾弱其宗以厚鄰。而又自食其惡。以笑于鄰。何益乎。  
嗣書曰秋師還。不卒事而還也。功費于已。利享于人。愚  
矣哉。莊也。

### 九年夏公伐齊納糾

傳○納者何入辭也。其言伐之何。伐而言納者。猶  
不能納也。糾者何。公子糾也。何以不稱公子。君前

責以大義  
糾亦何辭

臣名也

齊欲迎糾而魯斬子之齊迎小白而魯強致之故曰納也者猶不能納也雖然魯即能納糾矣糾終不成乎公子何也糾之居齊也久其亡于魯也近且桓而先亡矣亡則無由徇君討賊者非糾其誰乎聞難而奔有賊不討豈惟雍廩之有愧曾費與紛如之弗若也故曰不成乎公子也何以不稱公子君前臣名也隱之爾然則桓何以不稱公子抗我也且惡殺弟也

八月庚申及齊師戰于乾時我師敗績  
傳。內不言敗。此其言敗何。伐敗也。曷爲伐敗復

讐也。此復讐乎大國。曷爲使微者。公也。曷爲不與公復讐。復讐者在下也。

莊父之讐九年矣。九年則猶未可以復乎。或曰。姑隱忍焉。以有待也。諸兒弑。五公子爭立。非其時乎。曰。齊無君。不成乎復讐也。則桓新立而勢未集。此其時與。然而不與公復讐者。何。伐敗也。且言使微也。伐敗者何。所謂敗兵先敗而後求戰也。惡謀也。使微者何。喪路傳乘。幾不免矣。公實喪師而託言于使之不得其人也。爲內諱也。如是而復讐。誰非復讐者乎。納糾不得。且益恥焉。而以是假辭于先人。若曰。公實義舉而奈此卑微者敗。乃公

如分水屋  
如指上螺

九月齊人取子糾殺之

傳○其取之何○內辭也○脅我使我殺之也○其稱子糾何○貴也○其貴奈何○宜爲君者也○

其稱子糾何貴也。其貴奈何。宜爲君者也。猶之公子糾之說也。魯論仍魯史之舊耳。若稱公子則桓曷得殺之。桓而殺之。是弑君也。夫子直書齊小白內之也。魯納糾外之也。蓋葬襄者桓討無知者桓而且又長桓則宜君者也。故與小白以入齊。奪糾以公子直桓而削糾也。此竊取之義也。然則糾斷不宜君者乎。曰糾之于齊也可。

納則去其  
子不宜納  
也殺則子  
上不宜殺  
聖人微  
言惟明眼  
人乃能見  
到

以○君○可○以○無○君○者○也○猶○之○管○仲○之○于○糾○可○以○臣○可○以○無○  
臣○者○也○既○已○越○在○他○國○矣○而○借○魯○而○逃○死○是○又○可○以○殺○  
可○以○無○殺○者○也○必○欲○殺○之○又○恐○人○之○不○直○己○而○嫁○惡○于○  
魯○故○夫○子○暴○其○惡○而○直○書○曰○齊○取○子○糾○殺○之○也○若○夫○忘○  
殺○父○之○仇○甘○喪○路○之○辱○不○能○納○糾○而○又○殺○之○以○行○媚○魯○  
之○非○人○久○矣○又○何○足○以○責○之○

十有二年春王三月紀叔姬歸于鄒

傳○其言歸于鄒何隱之也何隱爾其國亡矣徒  
歸于叔爾也

紀亡九年矣至是而始歸于叔者何也豈前此者大歸

嫌疑之際  
明辨析之

焉以待父母乎。抑與紀侯俱奔。至紀侯死而始歸鄆乎。  
歸于叔者。葬于叔者也。葬于叔奈何。姑姊之廟存焉。爾  
秋八月甲午。宋萬弑其君接及其大夫仇牧。

傳。及者何。累也。何以書。賢也。仇牧可謂不畏彊  
禦矣。萬嘗與莊公戰。獲乎莊公。歸反爲大夫于宋。  
與閔公博。婦人皆在側。萬曰。甚矣魯侯之淑。魯侯  
之美也。閔公矜此婦人。妬其言。顧曰。此虜也。爾虜  
焉。故萬怒。搏閔公。絕其脰。仇牧聞君弑。趨而至。手  
劍而叱之。萬臂撥仇牧。仇牧可謂不畏彊禦矣。  
萬搏閔公。絕其脰。人曰。獨吾君也乎哉。自非親暱。誰敢

期以仇牧  
而得所死  
臣爲君累  
君以臣樂  
矣

任之仇牧曰此獨非吾君也乎哉既已食其食矣又安  
所得治君而死之當是時知必不勝而奮然罵賊甘碎  
首焉以殉手劍之叱何異萇弘之納肝豫讓之斬衣也  
雖然閔有死道三收辱虜爲臣一也降國君而縱博二  
也矜婦人而善妬三也而乃有不畏彊禦如仇牧者爲  
之死猶愈乎徒人費石紛如輩之爲齊襄死也此猶閔  
之得所死者也

十有三年冬公會齊侯盟于柯

傳○何以不日易也其易奈何莊公會乎桓曰寡  
人之生則不若死矣曹子曰然則君請當其君臣

請當其臣。于是會乎桓。莊公升壇。曹子手劍而從之。管仲進曰。君何求乎。曹子曰。願請汶陽之田。管子顧曰。君許諾。桓公曰。諾。曹子請盟。桓公下與之盟。要盟可犯。而桓公不欺。桓公之信著于天下。自柯之盟始焉。

君請當其君。臣請當其臣。說者于曹子之手劍也。以不能之色。誚莊于管子之進答也。以不能之色。誚桓謂臣更當其君。爾周子曰。皆非也。吾于柯之盟。大魯之復地也。能雪恥也。大齊之懲忿也。能立信也。然吾不難管仲而難曹劌。吾又不難曹劌而難齊桓。吾又不難齊桓而



當時齊桓  
之國將為  
人之思結  
之反其侵  
地所謂招  
以謀耳否  
其難百益  
何益  
難齊北  
以難齊  
以難齊  
即以難齊

難魯莊曹劌之三北也。獻遂邑以和。當是時。勢岌岌乎。殆矣。長勺之役。氣稍振焉。安知不以小勝者怒齊。以自毒也。曹劌手一劍。復四百里之侵地。而談笑有餘。夫管子天下才耳。目桓而許諾也。其夙智也。故曰。吾不難管仲。而難曹劌。齊之作內政。而寄軍令也。有中軍之鼓。有國子之鼓。有高子之鼓。三萬人以行天下。且柯齊地耳。其鍊卒咸在。呼左右而兵之。如縛孤彘耳。而許之。而盟之。而終予之。桓豈難一曹劌哉。夫固曰。以四百里之地。市信于天下。猶吾地也。故曰。吾不難曹劌。而難齊桓。桓公謂管仲曰。吾欲南伐。何主。對曰。以魯為主。反其侵地。

仲也

堂○潛○使○海○于○有○蔽○渠○頭○于○有○渚○環○山○于○有○牢○夫○反○魯○侵○  
地○齊○君○臣○夙○謀○耳○又○何○躊○躇○之○有○若○夫○魯○之○不○競○也○久○  
矣○而○曰○寡○人○之○生○則○不○若○死○也○左○搏○桓○公○右○抽○劍○以○自○  
承○曰○魯○國○去○境○數○百○里○今○去○境○五○十○里○亦○無○生○矣○鈞○其○  
死○也○戮○于○君○前○當○是○時○天○地○亦○爲○色○動○况○桓○乎○三○戰○所○  
亡○一○朝○復○之○非○曰○其○臣○之○力○其○君○實○能○也○故○曰○吾○又○不○  
難○齊○桓○而○難○魯○莊○

十有七年春齊人執鄭瞻

傳○鄭瞻者何鄭之微者也何言乎齊人執之書  
甚佞也

侯于魯為  
其逃來耳  
不逃鄭而  
逃魯將侯  
魯以叛齊  
乎既曰微  
者亦何能  
為執之斯  
入之矣

罪必歸其  
主故不曰

書甚侯也。特侯于魯耳。且桓亦安能預料其必侯于魯也者而執之。瞻鄭之微者。則非鄭之執政也可知。若曰鄭卽有罪。執其當事者可耳。瞻何與焉。且幽之盟。鄭而既服矣。而又執其小臣。是疾惡無已也。且齊實主盟。而奈何訓諸侯貳也。故人之以治齊也。非以治瞻也。僖四年齊人執袁濤塗。其曰稱侯而執者。伯討稱人而執者。非伯討也。卽此也。

夏齊人讎于遂

傳。讎者何。讎。積也。衆殺戍者也。

衆殺戍者。報復也。犯衆怒以滅人國。而又不戒以棄吾

道人燬齊  
人而曰齊  
人燬于遂

洪範五行  
傳感生于  
南極感淫  
亂之氣而  
生其災若  
哀妻有以  
有之乎

戊○然○則○非○遂○人○殺○之○也○其○君○實○殺○之○爾○書○之○惡○桓○也○  
十○有○八○年○秋○有○戢○  
傳○何○以○書○記○異○也○  
氣○運○之○召○物○類○先○之○其○曰○有○戢○有○以○有○之○也○故○曰○記○異○  
也○

二十年夏齊大災

傳○大○災○者○何○大○瘠○也○大○瘠○者○何○痢○也○外○災○不○書○  
此○何○以○書○及○我○也○

民○之○病○君○之○病○也○民○瘠○而○君○瘠○矣○則○司○救○氏○存○焉○記○災○  
者○何○齊○不○恤○災○也○及○我○者○何○我○不○恤○災○也○

姑之女壯  
而為壯  
也故君  
子慎微

二十有四年秋公至自齊八月丁丑夫人姜氏入  
傳。其言入何難也。其言日何難也。其難奈何。夫  
人不可使入。與公有所約。然後入。  
兩難之者何。難其妬也。未有奇妬而不奇淫者。與公有  
所約。約遠嬪媵也。要其夫以遠嬪媵。而不自律以遠叔  
嫂。何也。以釋陰而能制三十五齡之老陽。可異也。曰。入  
者。不許其入也。以為金柅之繫可矣。

冬戎侵曹曹羈出奔陳

傳。曹羈者何。曹大夫也。戎將侵曹。曹羈諫曰。戎  
衆以無義。君請弗自敵也。曹伯曰。不可。三諫不從。

不合則去  
道其常也  
臨難而去  
徒爲身耳  
故必大書  
特書以儆  
人臣之不  
忠以事君  
者

遂去之。

大夫去國。何以書出奔。譚子奔莒。不書出奔。曰。國已滅矣。無所出也。則此其有所出者乎。曰。然大夫有事去國。田祿里居。三年而後收之。冀其復也。若曰。苟君有悛心。而呼召焉。猶是臣也。苟大夫有故君之思。而惠然復焉。猶是君也。故曰出也。然則言奔者。何不能格其君臨敵而去之。雖曰見幾不恕乎哉。曰。奔幾幾乎禍。隨其後之辭也。二十六年。書曰。曹殺其大夫。猶是志也夫。

二十有七年。秋。公子友如陳葬原仲。

傳。原仲者何。陳大夫也。大夫不書葬。此何以書。

季子去魯  
以存魯也  
如陳而後  
直至閔元  
年而書季  
子來歸按

通乎季子之私行也。辟內難也。公子慶父公子牙  
通乎夫人以脅公。季子起而治之。則不與于國政。  
坐而視之。則親親因不忍見也。故于是復請至于  
陳而葬原仲也。

季子可謂善藏其用矣。觀其酖公子牙。縊公子慶父。胸  
卓有成畫而談笑治之。此時目已無二公子。則何必借  
葬焉以避也。曰以避姜氏也。何以避姜氏。二公子之通  
乎夫人。夫人通之也。以脅公。公子也。而能脅公乎。借夫  
人以脅公。夫人脅之也。當是時。季子守正自律。夫人實  
慚焉。與二公子謀之素矣。夫安知不短季于公而釋其

左傳莊公  
沒時季子  
在魯意季  
子外亦去  
國以避禍  
而實潛蹤  
往來其間  
故曰善藏  
其用

慚○以○中○其○嫉○乎○且○試○其○毒○可○以○殺○二○子○何○有○于○不○得○政○  
之○季○子○故○曰○以○避○姜○氏○也○去○陳○而○明○示○我○無○意○于○魯○矣○  
無○意○于○魯○而○更○無○煩○姜○氏○與○二○公○子○慮○焉○也○遠○舉○焉○以○  
相○其○變○而○徐○起○收○之○故○曰○季○子○可○謂○善○藏○其○用○矣○或○曰○  
他○日○季○子○君○命○來○歸○可○以○無○去○乎○曰○固○也○此○時○牙○新○酖○  
鄧○扈○樂○歸○獄○慶○父○與○夫○人○必○謀○之○益○疾○矣○季○雖○忠○亦○安○  
能○勝○握○二○十○八○年○兵○柄○之○慶○父○乎○哉○有○姑○洛○之○盟○而○季○  
子○來○歸○以○齊○臨○之○也○以○齊○臨○之○而○慶○父○與○夫○人○固○無○奈○  
季○子○何○矣○邾○婁○之○孫○莒○國○之○奔○囁○齊○也○因○以○囁○季○子○也○  
季○子○可○謂○善○藏○其○用○矣○



二十有八年臧孫辰告糴于齊

傳。告糴者何。請糴也。何以不稱使。以爲臧孫辰之私行也。君子之爲國也。必有三年之委。一年不熟。告糴。讓也。

或曰。告糴于齊。公實命之。而詭其詞于臧孫。故曰告糴。讓也。然曰糴于齊。易之詞也。猶之藏之外府而取之云。商無遏糴。桓志也。

二十有九年春新延廩

傳。新延廩者何。脩舊也。脩舊不書。此何以書。讓也。何讓。爾凶年不脩。

馬重于民  
則將率獸  
食人矣

脩廩不諱。以爲功費輕。非也。若曰築郿。猶可言也。脩廩。不可言也。古有年饑。興大役以救民者。猶之以民之財。爲民築之也。脩廩則已私矣。以爲馬重于民矣。

三十年秋七月齊人降鄆

傳。鄆者何。紀之遺邑也。降之者何。取之也。取之則曷爲不言取之。爲桓公諱也。外取邑不書。此何以書。盡也。

紀亡二十八年矣。而鄆至今。所謂頑民之義也。侯之大去。姬之歸鄆。或于鄆乎。託迹焉。是時襄豈難下一鄆也。者。夫固曰。吾以討九世之仇。爾故畱鄆。以自明也。桓而

救而曰次  
救之不力  
也故曰紀  
非齊滅之  
魯滅之耳

公羊墨氏

卷上

三

悉取之。非襄意矣。故曰盡也。其曰齊人惡其盡也。前書曰公次于郎。此又書曰師次于成。前救紀而不能。今救鄆而不得。夫子欲存鄆以存紀也。故于魯乎致憾焉。爾也。

### 冬齊人伐山戎

傳。此齊侯也。其稱人何。貶。蓋以操之爲已蹙矣。何以不言戰。春秋敵者言戰。桓公之與戎狄。驅之爾。

桓北伐山戎。剌令支。斬孤竹而南歸。幾滅其類矣。故曰操之爲已蹙也。其伐之何。戎非桓敵也。戎非桓敵而曰

人者何爲燕辟地也。且貪戎菽也。辟地以悅燕而勤師。遠襲母乃憊與。以山戎爲不當齊桓玉趾之詢也。罪之乎惜之也。

閔公

元年冬齊仲孫來

傳。齊仲孫者何。公子慶父也。曷爲謂之齊仲孫。繫之齊也。外之也。子女子曰。以春秋爲春秋。齊無仲孫。其諸吾仲孫與。

季與慶不兩立之勢也。盟姑洛以迎季。緩魯難以縱慶。桓之爲魯謀也。不已疏乎。始而容之。逋藪也。旣而縱之。

黨賊也。故書曰季子來歸。嗣書曰齊仲孫來。非以累季也。以累齊也。

二年夏五月乙酉吉禘于莊公

傳。其言吉何言吉者。未可以吉也。曷爲未可以吉。未三年也。吉禘于莊公。何以書。譏何譏。爾譏始不三年也。

吉禘無親。始不三年。無子。閔之罪何辭焉。愚竊有疑于禘之說也。或曰魯禘于何始。于閔之吉禘于莊公始。故詩人頌之曰周公之孫莊公之子。可知也。或曰非也。周公以叔父之親。負展以行天子事。成之禘公。成之所以

明堂位篇  
侈大其辭  
類皆誕妄  
欲尊周公  
因以誣成  
王可乎魯  
之禘魯自  
僭耳聞則  
其作偏也

報爾不然孔子也而可以天子之禮樂祭豈周公也不  
可以天子之禮樂報哉夫以禘爲始于禘莊公而非也  
若夫魯羣廟之禘則自禘莊公始也至謂周公宜以天  
子之禮樂祭亦侈大之言耳周公之禘非以其有功乎  
以爲有功而崇之則亦可有罪而黜之矣鯀負殛罪以  
死而配食上帝又謂之何諸侯之祖爲諸侯天子之祖  
或爲庶人禮從子不從父所謂君臣之義也至于諸侯  
之祖明有大功天子之親功罪混列矣然王者禘其始  
祖諸侯及其太祖子孫不得以功罪加其祖考所謂父  
子之倫也成之禘公于君臣父子何居焉然而成之賜

之○猶○曰○藉○是○以○伸○吾○叔○父○也○云○爾○且○負○展○以○朝○隱○然○天  
子○焉○惟○吾○叔○父○應○爾○此○豈○許○旁○及○他○廟○者○乎○若○夫○閔○之  
禘○莊○則○實○開○罪○于○成○而○釀○釁○于○後○者○也○由○是○而○類○舉○由  
是○而○效○尤○幾○爲○姦○雄○者○藉○口○成○之○賜○與○伯○禽○之○受○亦○應  
悔○之○矣○始○也○諸○侯○擬○天○子○繼○也○大○夫○擬○諸○侯○又○其○繼○也  
大○夫○專○有○之○而○忘○其○爲○天○子○爲○諸○侯○昭○二○十○五○年○禘○于  
襄○萬○二○人○其○衆○萬○于○季○氏○已○可○知○矣○孔○子○曰○吾○不○欲○觀  
曰○周○公○其○衰○抑○致○憾○作○俑○者○而○痛○哭○言○之○乎○

秋八月辛丑公薨

傳○公○薨○何○以○不○地○隱○之○也○何○隱○爾○弑○也○孰○弑○之○

以則公玄  
論則季子  
之罪不辨  
而明厚子  
賊則薄子  
君父厚子  
雙父則薄  
莊則親而  
道乎哉

公子慶父也。何以不誅。緩追逸賊。親親之道也。周公之于管蔡。非兄乎。是時僅流言耳。而東山之討。何其決也。蓋為君父討賊。斷斷乎不容少姑息也。且恐一姑息而蔓將未可測也。故防之于其先子。般可以無死。圖之于其後。閔公可以無弑。乃一則曰。使若託疾以死。親親之道。再則曰。因獄有所歸。親親之道。又再則曰。緩追逸賊。親親之道。親而慶父之姦益肆矣。一弑再弑。謂非季子釀成之也可乎。或曰。周公以叔父之尊。挾負展之勢。以臨管蔡。卵靡耳。季何以當諸。曰。莊公以病召季。已明授季以國柄。而且以姑洛之盟翼之。寧不足聲。



是則可謂  
親親之道

公三  
罪致討。協齊以制其死命。乃養虎以縱其噬。而徐除之。不巳。晚乎。故定魯之功。不能不歸之季子。而養賊之罪。亦不得不歸之季子。何也。曰。季子賢者也。春秋責備賢者。以繩賢也。

### 僖公

元年秋七月戊辰。夫人姜氏薨于夷。齊人以歸。

傳。夷者何。齊地也。其言齊人以歸。何。桓公召而縊殺之。

姜與弑公。桓召而縊殺之。討弑君之賊也。則曷爲討姜氏而不討慶父。人人得而討之。且季子在焉。子不母討。

僖之請媚  
齊也

而桓討之。愛魯侯乎姜氏也。親親之道也。與。

十有二月丁巳。夫人氏之喪至自齊。

傳。夫人何以不稱姜氏。貶曷爲貶。與弒公也。貶。

必于重者。莫重乎其以喪至也。

邾婁氏之母死。何爲入于魯氏之廟乎。故曰莫重乎其以喪至也。或曰。譏齊桓也。僖公請而葬之。桓何與焉。

二年夏五月辛巳。葬我小君哀姜。

傳。哀姜者何。莊公之夫人也。

稱之異邦曰寡小君。曰葬我小君。蓋借言以警齊也。諱之也。哀姜者何。莊公之夫人。蓋至是而有其夫人云爾。

隱之也。且僖公志也。

虞師晉師滅夏陽

傳。虞微國也。曷爲序乎大國之上。使虞首惡也。曷爲使虞首惡。虞受賂。假滅國者道以取亡焉。荀息假道于虞。虞公許之。且請先伐虢。故曰使虞首惡也。其首惡奈何。貪而好寶。而爲荀息圖也。不然。夏陽塞邑也。晉奈虢何。雖然。虞之貪璧。虢之賀夢。一爾。晉襲爾門。帝已命之。夫帝固借晉以亡虞。而先借虞以亡虢者也。然則荀息功乎。夫舟之僑宮之奇。百里奚。此三臣者。誰之不如之。奇之辟西山也。僅其身免也。之僑奔晉。佐

晉軍矣。惜也。其越仇國也。奚之奔秦。烈乎哉。借秦以報。晉而以奔走獻。而以奔走息。而以抒吾亡國之忿快矣。卽奴荀息而鞭之可矣。

四年春王正月公會齊侯宋公陳侯衛侯鄭伯許男  
曹伯侵蔡蔡潰遂伐楚次于陘 夏楚屈完來盟于  
師盟于召陵

傳。屈完者何。楚大夫也。何以不稱使。尊屈完也。  
曷爲尊屈完以當桓公也。曷爲再言盟。喜服楚也。  
其言來何。與桓爲主序績也。

尊屈完以當桓公也。何以當桓公。喜服楚也。楚服而中

尊屈完以  
齊桓以尊  
周室尊周  
室所以大  
一統也故  
曰春秋之  
旨

華有疆宇士紳有冠帶帝王有閏位其曰喜服楚者春秋喜之也其曰與桓為主序續也則桓之績乎孔子曰微管仲吾其被髮左衽矣夫桓公之績皆管氏耳則春秋何以不一見之夫欲見齊侯于天下者春秋之旨也聚天下專美以奉之桓而桓尊桓尊而中國尊矣而周室尊矣春秋之旨也雖然楚服矣楚實未始服也方城漢水何齊侯之有八月公至自伐楚已可知也其後楚莊代霸而鞭笞諸夏屈完之對亦其氣燄之取也夫

齊人執陳袁濤塗

傳○濤塗之罪何辟軍之道也濤塗謂桓公曰君

屈完之來  
試桓耳而  
桓卽將就  
成功若出  
東方楚師  
必踵其後  
故以陳爲  
黨楚執其  
人又代其  
國何見之  
晚也

既服南夷矣。何不還師濱海而東服東夷。且歸桓  
公曰諾。大陷于汴澤之中。顧而執濤塗。  
桓之功莫盛于伐楚。亦莫危于伐楚。何也。楚子強項不  
與盟。而屈完之辭復傲狠不順。方城漢水。齊固無奈楚  
何也。是時諸侯之兵畢在。豈無有窺其微而思中杠者。  
袁濤塗其類也。且濤塗曰。君既服南夷矣。何不還師濱  
海而東服東夷。且歸。夫東夷者何。郟莒徐夷之屬也。蔡  
姬興伐。寺貂漏師。師老而遇新敵。而又強楚爲之援。一  
不勝而萬有餘喪。微申侯幾不免矣。不此是慮。至東陷  
汴澤。乃始顧而執濤塗乎。晚矣。春秋喜之甚。故危之甚。

其曰齊人愛齊侯乎。濤塗也。猶之愛齊侯乎。山戎也矣。  
七年夏鄭殺其大夫申侯。

傳。其稱國以殺何。稱國以殺者。君殺大夫之辭也。

談論獨斷

買友以悅齊。美城以逼鄭。專欲而不厭。申侯亦自殺其  
軀。爾于宣仲乎。何尤。雖然。申侯于友則不必忠。而于齊  
桓則已忠也。微申侯。幾不免矣。春秋喜齊桓。因以喜申  
侯也。曰大夫申侯以齊桓之命予之也。曰鄭殺其大夫  
申侯。無專殺大夫也。以齊桓之命治之也。蓋重錄其與  
齊合之多。欲臣而深惡其與楚合之。逃盟主春秋之旨。

嚴矣

八年春王正月公會王人齊侯宋公衛侯許男曹伯陳世子款鄭世子華盟于洮鄭伯乞盟

傳○乞盟者何處其所而請與也蓋酌之也

發我摘伏  
燭照如神

越人剔齒胡人彈臂中國歃血爲信一爾夫盟已爲忠信之薄○况遣使挹血以自解免乎○殺申侯以悅齊○怨子華而德齊○詭焉爾○非其心也○陽與齊而陰與楚○猶之無盟○爾故聖人去其使而定之以自乞惡之也○十八年鄭首朝楚二十一年以三夫人勞楚子于柯澤又享之九獻翼楚以弱中國而已亦受其醜○詩曰戎狄是膺○荆舒



是懲用夏變夷鄭首在懲之例矣。

九年九月戊辰諸侯盟于葵丘

傳。桓之盟不日。此何以日。危之爾。貫澤之會。桓公有憂中國之心。不召而至者。江人黃人也。葵丘之會。桓公震而矜之。叛者九國。

葵丘之會。桓震而矜之。叛者九國。神者告之矣。孔宰父其先見者也。不務德而勤遠略。然哉。十五年齊師曹師伐厲。或曰伐厲以救徐也。或曰惡其叛天子也。叛者九國。江人乎。黃人乎。厲人乎。楚人伐黃。齊不能救。管大夫之言驗矣哉。

十年春晉里克弑其君卓子及其大夫荀息

傳。及者何。累也。弑君多矣。舍此無累者乎。曰有。孔父仇牧皆累也。奚齊卓子者。驪姬之子也。荀息傳焉。獻公病將死。謂荀息曰。士何如。則可謂之信矣。對曰。使死者反生。生者不愧乎其言。則可謂信矣。獻公死。奚齊立。里克弑奚齊。荀息立卓子里克。弑卓子。荀息死之。荀息可謂不食其言矣。

孔父之義形于色。仇牧之不畏強禦。荀息之不食言。皆無救于君而皆及于難。然而吾獨以仇牧爲正。則何也。孔父以室家致禍。荀息以立庶自殃。仇牧之手劍而叱

荀息有知  
當亦悔其  
死之晚矣

補筆法

公羊傳

卷上

三

萬也。不猶之穉雞搏狸。乳犬噬虎哉。精誠之至矣。故曰。正也。荀息之死得矣。吾病其不死。奚齊而死。卓子夫立。奚齊公命也。立卓子。非公命也。立奚齊。已不正矣。而立其非公命者。以誣公。而以動公子。而以脅諸大夫。而又再及于難。而後死。死不亦病乎。且其對君曰。使死者反生。生者不愧乎其言。夫立卓子。先公未聞此言也。奚齊死。公實聞此言也。而不死。卓子死。公實未聞此言也。而死之以是爲不食其言乎哉。然則公羊何以傳三人者。同而津津賢之者。亦同曰。以訓世也。口血未乾。暮而悼之。況生死之際乎。濟則君之靈不濟。則以死繼之。烈

矣。

夏晉殺其大夫里克

傳。孰立惠公。里克也。里克立惠公。則惠公曷爲殺之。惠公曰。爾旣弑夫二孺子矣。又將圖寡人。于是殺之。

討賊公淹  
也。情也。以  
情殺之。以  
情殺之。以  
情殺之。以  
情殺之。以

克實弑二君。而予之大夫者。何不與惠公討賊也。公固曰。爾旣殺夫二孺子矣。又將圖寡人。然則不圖寡人。遂與之共國而治矣。故曰。不與惠公討賊也。且惠之殺克也。非徒自解也。以防重耳之入也。晉殺其大夫丕鄭父。丕言于秦伯曰。若重問以召之。臣出晉君。君納重耳。丕

克黨也。重耳不立。克意未已。能無殺乎。齊桓。晉文。春秋之所喜也。于晉文之不言出入。愈可知矣。于齊則悼糾之管仲而不少貶。愛桓也。因以愛仲也。于晉則弑二君之里克而不去其官。愛文也。因以恕克也。雖然。宋萬之弑其君。接也。任其出奔陳。而僅以賂得之。華督之弑其君與夷也。齊陳鄭爲之保姦。而終以相宋矣。此又夫子之所大恐也。

十有四年夏六月。季姬及鄆子遇于防。使鄆子來朝。傳。鄆子曷爲使乎。季姬來朝。內辭也。非使來朝。使來請已也。

文姜可以會莒子哀姜可以會齊侯季姬獨不可遇鄆子乎家法固然又何尤或曰魯秉周禮男女之際豈若是甚乎吾謂魯甚焉爾且業已許邾婁矣而悔其婚其後邾婁忿鄆而執之而用之奪妻辱國鄆亦何利焉他日書鄆季姬卒又曰書其卒而奪其葬以是爲聖人微旨哉吾謂會鄆子在十四年之六月歸鄆在十五年之九月卒在十六年之四月不兩載間而俄衒嫁俄情婚俄天折天忌誨淫豈不然哉嗟乎哀姜鶉奔而刑殺之季姬自薦而疾殺之男女之際可以凜矣

秋八月辛卯沙鹿崩

傳。沙鹿者何。河上之邑也。其言崩何。襲邑也。何以書。記異也。外異不書。此何以書。爲天下記異也。襲者入也。陷入也。又盜襲也。言取其邑以淪諸河。似盜襲之者。然所謂盜。帝之息壤也。爲天下記異也。猶之記外異也。云爾。卜偃曰。期年將有大咎。國幾亡。自是晉事解者。以齊桓夷狄宋襄之事實之泥矣。

十有五年九月己卯晦。震夷伯之廟。

傳。晦者何。冥也。震之者何。雷電擊夷伯之廟者也。夷伯者。季氏之孚也。其稱夷伯何。大之也。曷爲大之。天戒之故。大之也。

夷伯者季子之孚也。則借夷伯以警季氏乎。季氏不知也。且季友之定難而小心事主。終身一日也。或曰其明年公子季友卒。以告變也。則曷不于季氏之廟也者。而告之。至于僖公蔽于季氏。季氏蔽于陪臣。取百年後未有之事。而強券之。不亦誣乎。展氏有隱慝焉。故天戒之得之矣。

十有一月壬戌。晉侯及秦伯戰于韓。獲晉侯。

傳。此偏戰也。何以不言師敗績。君獲不言師敗績也。

韓之戰。曲在晉。何以侯之。而不人以禦秦也。三十有三



年○秦○人○入○滑○其○謂○之○秦○何○夷○狄○之○也○直○在○秦○故○曰○秦○伯○  
秦○而○伐○中○國○故○曰○晉○侯○猶○之○不○與○夷○狄○之○執○中○國○意○也○  
十○有○六○年○春○王○正○月○戊○申○朔○實○石○于○宋○五○是○月○六○鵠○  
退○飛○過○宋○都○

傳○。曷○謂○先○言○實○而○後○言○石○。五○石○六○鵠○何○以○書○。記○  
異○也○。外○異○不○書○。此○何○以○書○。爲○王○者○之○後○記○異○也○。

曲乃之解  
直說便見  
有情

爲○王○者○之○後○記○異○。宋○殷○後○也○。星○實○鵠○退○求○霸○失○國○之○兆○  
乎○。白○馬○來○而○宋○國○封○石○鵠○倪○而○宋○祚○促○。夫○子○殷○人○也○。有○  
無○窮○歎○噓○者○矣○。叔○興○曰○。是○陰○陽○之○事○。非○吉○凶○所○生○。以○存○  
衛○家○言○則○可○以○示○有○國○者○。則○不○可○不○然○。明○年○齊○有○亂○。君○

得諸侯不終又何鑿鑿也。

十有八年五月戊寅宋師及齊師戰于鹹齊師敗績  
傳。曷爲不使齊主之與襄公之征齊也桓公死  
豎刁易牙爭權不葬爲是故伐之也。

豎刁易牙爭權立無虧也。所恨立無虧者徒以豎刁易  
牙耳。無虧故衛姬出衛姬實長諸姬何以不得立且公  
實許之又可悔乎屬孝公于宋襄是明誨之亂矣。或曰  
孝公賢也。然終孝之世而不能振霸業爲先人光也。乘  
宋襄之敗泓也。則加之兵先君之子七人爲七大夫于  
楚。先大夫管仲之裔聽其亡入楚。後管脩爲楚所殺而

數其罪案  
孝亦何辭

鄆奪邾妻  
信有罪矣  
邾則鄆身  
罰已重矣

斬其祀。孝實。宋立而乘之不祥。公族之不能撫輯不仁。仲父之勳而使其無後于齊不義。其于無虧也庸愈乎。然則宋襄之伐齊非與生而許之死而定之霸者事也。微襄齊幾不國矣。故曰與襄公之征齊也。

十有九年夏六月己酉邾婁人執鄆子用之。

傳。惡乎用之用之社也。其用之社奈何。蓋叩其鼻以血社也。

社者次睢之社。妖鬼非周社也。此僅叩鼻血社爾。豈真殺之爲犧也者。夫孰使邾人執之。宋公也。邾人實畜怨于鄆人而藉口宋襄以逞其毒。人知鄆子爲邾人用之。

僖公本聘  
是女爲嫡  
後以齊女  
爲夫人而  
寵之

鬼而不知宋襄爲邾人用之讐也以宋公爲愚虐矣

二十年五月乙巳西宮災

傳。西宮者何。小寢也。小寢則曷爲謂之西宮。有西宮則有東宮矣。西宮災何以書。紀異也。

解之者曰。楚女廢在西宮。悲愁怨曠之所生。一楚女也。而捷爲之應。如此乎。則他日共姬之死又何也。怨曠之。女。天借火以憐之。而貞節之婦。天假火以斃之。何火之有情于楚女而無情于宋姬耶。

二十有一年冬楚人使宜申來獻捷

傳。此楚子也。其稱人何。貶曷爲貶。爲執宋公貶。

宋公與楚子期以乘車之會。公子目夷諫曰。楚夷國也。疆而無義。請君以兵車之會往。宋公曰。不可。終以乘車之會往。楚人果伏兵車。執宋公以伐宋。宋公謂公子目夷曰。子歸守國矣。國子之國也。于是歸設守械而守國。楚人謂宋人曰。子不與我國。吾將殺子君矣。宋人應之曰。吾賴社稷之神靈。吾國已有君矣。楚人知雖殺宋公。猶不得宋國。于是釋宋公。

鹿上之盟。楚誘宋而致之。而未卽執者。亦恃有齊耳。霍之盟。齊人不至。陳蔡鄭許皆楚黨也。而曹又宋之仇。執

目夷始終  
讓國始則  
當讓而讓  
終以不讓  
為讓

宋公以伐宋亦楚人應至之謀耶。襄猶硜硜執乘車之說。以自誣可笑也。其曰國子之國也。目夷曰國固臣之國也。又曰賴社稷之靈。國已有君矣。楚居宋公為奇貨。而宋恬然應之。使之抱空質而負不義之名。則襄于敗。刦之餘而謀有卓然者。終于復國有以也。嗟乎。喪君有君。失國復國。忠臣苦心。故非衆人所與知。如公子目夷輩。其可少哉。

二十有二年冬十有一月己巳朔。宋公及楚人戰于泓。宋師敗績。

傳。宋公與楚人期戰于泓之陽。楚人濟泓而來。

有司復曰。請迨其未畢。濟而擊之。宋公曰。不可。吾聞之也。君子不厄人。既濟未畢。陳有司復曰。請迨其未畢。陳而擊之。宋公曰。不可。吾聞之也。君子不鼓不成列。已陳。然後襄公鼓之。宋師大敗。故君子大其不鼓不成列。臨大事而不忘大禮。有君而無臣。以爲雖文王之戰。亦不過此也。

迂儒可與  
傳聞見而  
不可與論

霍之覆轍。襄應悔之矣。泓之戰。而猶曰。君子不厄人。不鼓不成列。謂雖文王之戰。不過此。然乎。昔西伯治兵于畢。得呂尙爲師。文王之戰。太公教之也。陰符六韜正乎。奇乎。西伯伐密。伐崇。在得太公之後。則文王之戰。法大。

略○可○知○矣○子○反○之○釋○宋○荀○子○之○圍○鼓○皆○有○餘○力○以○制○其○  
敵○故○姑○爲○之○迂○闊○以○示○暇○而○迂○儒○遂○僞○而○誇○大○之○可○嗤○  
也○子○魚○太○公○之○亞○也○而○曰○有○君○而○無○臣○乎○君○子○律○君○臣○  
子○宋○謂○之○有○臣○無○君○可○矣○

二十有三年春齊侯伐宋圍緡

傳○邑○不○言○圍○此○其○言○圍○何○疾○重○故○也○

非○大○人○之○力○不○至○此○乘○其○敗○而○觀○之○兵○以○重○其○傷○而○速○  
其○亡○所○以○報○耶○或○曰○夏○五○月○卒○傷○于○泓○故○也○吾○則○曰○逼○  
于○齊○故○也○君○子○以○齊○侯○爲○已○甚○矣○

二十有八年春晉侯侵曹晉侯伐衛



或說本胡傳

情善人神  
資前人所  
朱發

傳。曷為再言晉侯。非兩之也。

其曰再言晉侯。非兩之也者。非也。或曰再言晉侯。譏復怨也。則何不人之而侯之也。吾謂兩稱晉侯。見晉侯于天下也。桓公之業衰矣。而宋又不終乎霸。憂中國者何人。夫子曰有人矣哉。晉侯是也。喜之再故稱之再也。書之重辭之復。其中必有美者焉。固夫子之言也。

夏四月己巳。晉侯齊師宋師秦師及楚人戰于城濮。楚師敗績。

傳。此大戰也。曷為使微者。子玉得臣也。子玉得臣則其稱人何貶。曷為貶大夫不敵君也。

可謂自相  
矛盾

渙然冰釋  
勢極自然

城濮之師。召陵之師。一爾。召陵之師。則曰。楚屈完來盟。  
于師。此曰。及楚人戰于城濮。傳曰。曷爲使微者。又曰。大  
夫不敵君。夫屈完。非大夫乎。尊屈完。以當齊桓。賤得臣。  
以避晉文。有兩說乎。吾謂于其受盟也。則大夫之貴之。  
也。于其戰也。則人之賤之也。其義一爾。夫子王之賤焉。  
何也。晉車七百乘。實五萬二千五百人。楚惟圍宋之師。  
益之東。廣西。廣與若敖之六卒而已。兵之多寡。不敵也。  
晉之謀中軍也。說禮樂而敦詩書。子玉剛而無禮。師之。  
貴賤。不敵也。原軫胥臣。欒枝。輩與晉君實股肱心膂。乃。  
楚王曰。無從晉師。而子玉必間執讒口。請戰。怒王君臣。

之乖和又不敵也。夫操此三不敵而子玉又何以戰。微楚之惠不及此。亦恃晉之不我背耶。不知三舍避之。晉誘我耳。喜賂怒頑。文之無楚久矣。是子玉先自敗楚師。非晉之能敗楚師也。故曰稱人以賤之也。雖然陳蔡奔右師潰。而中軍獨完。子玉之才豈出欒枝諸人下。及連穀之死。而晉侯喜曰。莫余毒也。則子玉之爲子玉可知。已陽處父之侵蔡也。夾泚而軍。子上欲涉。大孫伯持之力。卒以完師。虎子之不墮武也。奇哉。

冬晉人執衛侯歸之京師

傳。此晉侯也。其稱人何。貶曷爲貶。衛之禍。文公

教爲下者  
以義是不  
義也齊桓  
尚假仁義  
晉文則非  
不假焉風  
斯下矣

爲之也。文公逐衛侯而立叔武。使人兄弟相疑。放  
乎殺母弟者。文公爲之也。

衛之禍。文公爲之。逐衛侯。立叔武。使人兄弟相疑。放乎  
殺母弟也。則是衛侯無罪。衛侯之罪。皆文公之罪。爾自  
我釀成其罪。而自我責之。善斷者。亦何以治此獄乎。或  
曰。衛侯之見執。以元咺之愬也。則謂元咺之執其君。亦  
可也。開人以釁而苛繩之。是不仁也。助其臣以執其君。  
是教爲下者以貳也。故晉文執衛侯以治衛。而聖人稱  
晉人以治晉。春秋之貴自治也。若此。

三十有一年春取濟西田

傳。惡乎取之。取之曹也。曷爲不言取之曹。諱取同姓之田也。晉侯執曹伯。班其所侵地于諸侯。則何諱乎取同姓之田。久也。

則何諱乎取同姓之田。久也。久也者。所謂前此矣。失之久得之久也。魯而取之。是探曹之懷中而取之云爾。故曰取也。曹田而不言取之曹。晉與之也。晉與之而不言取之晉。故曹田也。所謂無名之獲。君子惡之也。然則魯取之而不言魯取。去魯以存魯也。其存魯奈何。魯尙親親。諱取同姓。夢周公者爲之諱也。

夏四月。四卜郊不從。乃免牲。猶三望。

傳。易爲或言三卜。或言四卜。三卜。禮也。四卜。非禮也。求吉之道。三禘嘗不卜。郊何以卜。卜郊。非禮也。卜郊。何以非禮。魯郊。非禮也。猶者何。通可以已也。

董子曰。天者百神之君。王者之所最貴也。郊必以正月上辛者。言以所最尊貴。首一歲之事。傳曰。三卜禮也。四卜非禮也。此亦卜不襲吉之說爾。不知禮常祀不卜。又啓蟄而郊。又卜日而始卜牲。今郊常祀也。而用卜。至夏而始卜郊。旣牲成而卜郊。均之乎非禮也。而且不郊而祭山川百神。其何享焉。夫天子之不可不祭天也。猶人

鄭志謂新  
禮是祭上  
帝所用

公羊墨朱

卷上

三

之不可不食父也。既免牲而猶三望，是猶不食父而食其庶孽，以爲不失吾所以事父之意也。云爾何逆禮如之？故春秋備書之，志譏也。然則郊于何始？或曰：文王之伐崇也，郊而後伐。詩曰：濟濟辟王，左右奉璋。奉璋戕戕，髦士攸宜。夫王者受命則郊，周雖其命維新，猶然諸侯也。而已儼然用郊矣。豈王命得專征伐，錫之九命，并郊禘而錫之乎？由是推之，則郊禘固周家侯封時舊典耳。魯而用之，亦僅舊典之仍耳。此又何待成王之賜？卽成王賜之，亦曰報功固然。若曰：吾西伯可得之，商王吾伯父何不可得之？于余小子，昔質之文王而安，則今質之。

杞子春秋  
後而伯  
謂子說  
王所

周○公○而○亦○安○者○也○後○人○嘽○嘽○罪○案○亦○安○得○起○古○人○而○問○  
之○或○曰○周○公○其○衰○孔○子○之○歎○非○乎○曰○斯○亦○惡○夫○效○尤○焉○  
而○藉○口○周○公○者○也○入○太○廟○每○事○問○曰○是○禮○也○孔○子○以○爲○  
是○禮○而○後○儒○以○爲○非○禮○則○吾○不○知○之○矣○

冬杞伯姬來求婦

傳○其○言○來○求○婦○何○兄○弟○辭○也○其○稱○婦○何○有○姑○之○  
辭○也○

逆○婦○姜○于○齊○何○其○速○婦○之○也○以○譏○公○也○此○曰○杞○伯○姬○來○  
求○婦○何○其○遽○婦○之○也○公○實○許○之○婦○也○亦○以○譏○公○也○則○何○  
以○不○譏○伯○姬○不○譏○杞○桓○而○譏○公○者○何○魯○杞○之○非○匹○也○久○



黜恐未必  
然用夷禮  
則夷之自  
春秋猶取  
之義也

公羊傳卷上  
矣魯杞何以非匹三恪之裔也而襲夷禮卑杞入杞不  
與人數焉且脩春秋者貶其爵矣而許之婦母乃驅女  
而夷狄之乎其曰兄弟者明乎非兄弟而兄弟之也其  
曰有姑之辭明乎非姑而姑之也皆公之爲也故曰以  
譏公也

三十有三年夏四月辛巳晉人及姜戎敗秦于殽  
傳。其謂之秦何夷狄之也秦伯將襲鄭百里子  
與蹇叔子從其子而哭之秦伯怒曰爾曷爲哭吾  
師弦高者鄭商也遇之殽矯以鄭伯之命而犒師  
焉晉人與姜戎要之殽而擊之匹馬隻輪無反者

進層說

或曰。襄公親之。其稱人何。貶君在乎殯而用師。危不得葬也。詐戰不日。此何以日盡也。

秦何以不言師不成乎師也。違蹇叔而貪是勤一也。輕而無禮二也。勞師以襲遠三也。遠主備之而三帥被禽四也。不哀晉喪而伐同姓五也。故曰夷狄之也。則蹇叔之哭師。毋乃慙乎。阻軍心者殺無赦。蹇叔曰。苟使吾君怒哭師者之不祥。回師焉而戮我。以徇亦甘之矣。而無如秦穆之愎也。師行千里。其誰不知。卽微弦高鄭終備之耳。非晉敗秦。秦實自敗也已。晉之稱人何。君在乎殯也。或曰。曲沃之柩聲未敢忘也。是以忍而至此。夫忘親

悖○惠○去○秦○之○夷○狄○幾○何○詐○戰○不○日○而○此○日○之○盡○也○君○子○  
正○惡○其○盡○矣○